

К ОПУБЛИКОВАНИЮ

КОМИ РЕСПУБЛИКАСА ВЕСЬКӦДЛАН КОТЫРЛӦН ШУӦМ

**«Куим арӧссиянь сизим арӧсӧдз арлыда бӧрьясӧ пыртӧмӧн
кага вылӧ быдтӧлысса сьӧм мынтӧм индан пӧрадок да условияс
вынсьӧдӧм йылысь» Коми Республикаса Веськӧдлан котырлӧн 2020
во косму тӧлысь 10 лунся 161 №-а шуӧмӧ
вежсьӧмьяс пыртӧм йылысь**

Коми Республикаса Веськӧдлан котыр шуис:

1. Пыртны «Куим арӧссиянь сизим арӧсӧдз арлыда бӧрьясӧ пыртӧмӧн кага вылӧ быдтӧлысса сьӧм мынтӧм индан пӧрадок да условияс вынсьӧдӧм йылысь» Коми Республикаса Веськӧдлан котырлӧн 2020 во косму тӧлысь 10 лунся 161 №-а шуӧмӧ вежсьӧмьяс содтӧд серти.

2. Тайӧ шуӧмыс вынсялӧ сийӧс официальнойӧ йӧзӧдан лунсянь да паськалӧ инӧда йитӧдьяс вылӧ, кутшӧмьяс артмисны 2021 вося косму тӧлысь 1 лунсянь, положенияс кындзи, кутшӧмьяслы тайӧ пунктса мӧд да коймӧд абзацьясӧн урчитӧма мӧд вынсялан кадколаст.

Тайӧ шуӧм дорӧ содтӧдлӧн 2 пунктса квайтӧд абзац вынсялӧ тайӧ шуӧмсӧ официальнойӧ йӧзӧдан лунсянь да паськалӧ инӧда йитӧдьяс вылӧ, кутшӧмьяс артмисны 2020 вося тӧвшӧр тӧлысь 1 лунсянь.

Тайӧ шуӧм дорӧ 10 содтӧдлӧн дас сизимӧд да дас кӧкъямысӧд абзацьяс вынсялӧны 2022 вося тӧвшӧр тӧлысь 1 лунсянь.

3. Урчитны, мый тайӧ шуӧм дорӧ 10 содтӧдлӧн дас сизимӧд да дас кӧкъямысӧд абзацьяс оз паськавны граждана вылӧ, кодьяслы 3 арӧссиянь 7 арӧсӧдз арлыда бӧрьясӧ пыртӧмӧн кага вылӧ быдтӧлысса сьӧм мынтӧмсӧ индӧма 2022 вося тӧвшӧр тӧлысь 1 лунӧдз.

Коми Республикаса Веськӧдлан котырӧн
Юрнуӧдысьӧс Медводдза вежысь

И. Булатов

Сыктывкар
2021 вося косму тӧлысь 29 лун
219 №

Коми Республикаса Веськӧдлан котырлӧн
2021 во косму тӧлысь 29 лунся 219 №-а шуӧм дорӧ
СОДТӦД

«Куим арӧссянь сизим арӧсӧдз арлыда бӧръясӧ пыртӧмӧн кага вылӧ быдтӧлысса сьӧм мынтӧм индан пӧрадок да условияяс вынсьӧдӧм йылысь» Коми Республикаса Веськӧдлан котырлӧн
2020 во косму тӧлысь 10 лунся 161 №-а шуӧмӧ пыртӧм
ВЕЖСЬӦМЪЯС

«Куим арӧссянь сизим арӧсӧдз арлыда бӧръясӧ пыртӧмӧн кага вылӧ быдтӧлысса сьӧм мынтӧм индан пӧрадок да условияяс вынсьӧдӧм йылысь» Коми Республикаса Веськӧдлан котырлӧн 2020 во косму тӧлысь 10 лунся 161 №-а шуӧмын:

Куим арӧссянь сизим арӧсӧдз арлыда бӧръясӧ пыртӧмӧн кага вылӧ быдтӧлысса сьӧм мынтӧм индан пӧрадокын да условияяс, кутшӧмъясӧс вынсьӧдӧма шуӧмӧн (содтӧд):

1) 2 да 3 пунктъяс гижны тадзи:

«2. Быдтӧлысса мынтӧм босьтӧм вылӧ инӧд эм бать-мамысь ӧтилӧн либӧ кагаӧс оланпас серти мӧд петкӧдлысьлӧн, кодӧ лоӧ Россия Федерацияса гражданинӧн да олӧ Коми Республика мутасын (водзӧ – бать-мамысь ӧти), кор семьялӧн ӧти морт вылӧ шӧркодъ чӧжӧс мындаыс оз вевтырт быд морт вылӧ овны судзяна сьӧм мындасӧ, кутшӧм урчитӧма Коми Республикаын быдтӧлысса мынтӧмла шыӧдчан лун вылӧ.

Быдтӧлысса мынтӧм босьтӧм вылӧ инӧд артмӧ сӧк, кор кага лоӧ Россия Федерацияса гражданинӧн.

3. Быдтӧлысса мынтӧмсӧ сетӧны мындаын:

челядь вылӧ овны судзяна сьӧм мындаысь 50 прӧцент, мыйта урчитӧма Коми Республикаын «Россия Федерацияын овны судзяна сьӧм мында йылысь» Федеральнӧй оланпас серти быдтӧлысса мынтӧм индӧмла шыӧдчан лун вылӧ (водзӧ – челядь вылӧ овны судзяна сьӧм мында), – кор семьялӧн ӧти морт вылӧ шӧркодъ чӧжӧс мындаыс абу унджык быд морт вылӧ овны судзяна сьӧм ыдждаысь, мыйта урчитӧма Коми Республикаын «Россия Федерацияын овны судзяна сьӧм мында йылысь» Федеральнӧй оланпас серти быдтӧлысса мынтӧм индӧмла шыӧдчан лун вылӧ (водзӧ – быд морт вылӧ овны судзяна сьӧм ыджда);

челядь вылӧ овны судзяна сьӧм мындалӧн 75 прӧцент – кор семьялӧн ӧти морт вылӧ шӧркодъ чӧжӧс мында, мый арталӧма челядь вылӧ овны судзяна сьӧм мындаысь 50 прӧцент мында быдтӧлысса мынтӧм тӧд

вылө босьтөмөн, абу унджык быд морт вылө овны судзяна съом ыдждаысь;

челядь вылө овны судзяна съом мындаысь 100 прөцент – кор семьялөн өти морт вылө шөркодь чөжөс мындаыс, кутшөмөс арталөма челядь вылө овны судзяна съом мындаысь 75 прөцент мындаын быдтөлысья мынтөм төд вылө босьтөмөн, абу унджык быд морт вылө овны судзяна съом ыдждаысь.»;

2) содгыны татшөм сюрөса 3¹ – 3³ пунктъяс:

«3¹. 2021 воө бать-мамысь өтилы, кодлы индөма быдтөлысья мынтөмсө, вөчсьө быдтөлысья мынтөм мындалөн выль рөштшөт. Та дырйи быдтөлысья мынтөм урчитсьө мындаын, кутшөмөс урчитөма тайө Пөрадоклөн да условиеяслөн 3 пунктса коймөд либө нельөд абзацөн, татшөм пөрадокын:

быдтөлысья мынтөмлөн выль рөштшөтла бать-мамысь өтилөн шыөдчөм збыльмөдсьө 2021 во косму төлысь 1 лунсянь заводитөмөн, но 2021 во ошым төлысь 31 лунысь абу сёрджык заявление сетөм пыр, кутшөмөс индөма тайө Пөрадоклөн да условиеяслөн 5 пунктын;

быдтөлысья мынтөм мындалөн выль рөштшөт вөчсьө 2021 во төвшөр төлысь 1 лунсянь, но кагалы 3 арөс тыран лунысь оз водзджык. Та дырйи быдтөлысья мынтөм лөсялана мындаын индысьсьө татшөм мынтөмла шыөдчан кадпассянь 12 төлысь вылө, но кагалы 8 арөс тыран лунысь абу дырджык.

3². Случайын, кор бать-мамысь өтилы өткажитөма быдтөлысья мынтөмлөн выль рөштшөтын, кутшөмөс урчитөма тайө Пөрадоклөн да условиеяслөн 3¹ пунктөн, быдтөлысья мынтөм водзө збыльмөдсьө водзджык урчитөм мындаын 12 төлысья кадколаст помасьтөдз, кутшөм вылө сійө вөлі индөма.

3³. Быдтөлысья мынтөм мындаысь выль рөштшөт колө вөчны татшөм мынтөмла шыөдчан во бөрын мунысь волөн төвшөр төлысь 1 лунсянь, челядь вылө овны судзяна съом мында быдвося вежсьөмкөд йитөдын.»;

3) 5 пункт гижны тадзи:

«5. Быдтөлысья мынтөм индөм вылө бать-мамысь өти (водзө – шыөдчысь) либө морт, коді Россия Федерацияса оланпастэчас серти лоө сійөс петкөдлысьөн, сетө Коми Республикаса канму съөмкуд учреждениеө – оланін либө овланін серти олысьясөс социальнөя дорьян юкөнын канму услугаяс сетан шөринө (водзө – Шөрин) либө Коми Республика мутасын меститчөм канму да муниципальнөй услугаяс сетан уна мога шөринө, (водзө – УМШ) быдтөлысья мынтөм сетөм йылысь заявление типөвөй

форма серти, кутшөмөс вынсьөдөма «3 арөссиянь 7 арөсөдз арлыда бөрьясө пыртөмөн кага вылө быдтөлысса сьөм мынтөмсө индан да мынтан пöрадок дорö медшөр корөмьяссө, документьяслыс (төдмөгьяслыс) ылөса лыддьөгсө, кутшөмьяс колөны индөм быдтөлысса мынтөмсө индөм вылө, да сийөс индөм йылыс заявлениелыс типөвöй формасө вынсьөдөм йылыс» Россия Федерацияса Вөськөдлан котырлөн 2020 во рака төлыс 31 лунся 384 №-а шуөмөн (водзö лөсялөмөн – заявление, 384 №-а Шуөм, типөвöй форма).

Заявлениелөн типөвöй форма йөзөдчө «Öтуввез» юөртан да телекоммуникация везйын Коми Республикаса удж, уджөн могмөдан да социальнöя дорьян министрстволөн официальной сайтын (водзö – Министерстволөн официальной сайт).»;

4) содтыны татшөм сюрөса 5¹ пункт:

«5¹. Заявлениекөд өттшөтш шыөдчыс, сьлөн олөмын лөөмторьяскөд йитөдын, сетö документьяс (төдмөгьяс):

а) кага чужөм йылыс – лөсялана суйөрсайса канмулөн оланпасьяс серти суйөрсайса канмулөн компетентнöй органөн гражданалыс оланног пасйигөн;

б) семьяө пырысьлөн кулөм йылыс – лөсялана суйөрсайса канмулөн оланпасьяс серти суйөрсайса канмулөн компетентнöй органөн гражданалыс оланног пасйигөн;

в) гөтрасьөм (гозьялөн юксьөм) йылыс – лөсялана суйөрсайса канмулөн оланпасьяс серти суйөрсайса канмулөн компетентнöй органөн гражданалыс оланног пасйигөн;

г) шыөдчысьлөн да сьлөн семьяө пырысьяслөн кийн кутөмын олан жыр (олан керкалөн юкөн; патера юкөн; жыр) эмлун йылыс, көнi олө шыөдчыс да (либö) сьлөн семьяө пырыс, кодi висьö хронической висьөмлөн сьөкыд формаөн, кутшөмөс урчитөма хронической висьөмьяслөн сьөкыд формаяслөн лыддьөгын, мый дырйи гражданалы оз позь өтув овны öти патераын, кутшөмөс урчитөма Россия Федерацияса оланin кодекслөн 51 статьяса 1 юкөнлөн 4 пункт серти Россия Федерацияса Вөськөдлан котырөн уполномочитөм федеральной олөмө пöртыс власьт органөн олан жырөс урчитөм пöрадокын овны позьтөмөн шуөм;

д) шыөдчысьлөн либö сьлөн семьяө 23 арөсыс ичөтджык пырысьяслөн общеобразовательной учреждениеын либö уджсикасө велөдан шөр либö вылыс тшупöда велөдан учреждениеын очнöя велөдчөм йылыс;

е) сы йылыс, мый шыөдчысьлөн либö сьлөн семьяө 23 арөсыс ичөтджык пырысьяслөн общеобразовательной учреждениеын либö

уджсикасö велöдан шöр либö вылыс тшупöда велöдан учреждениеын очнöя велöдчигöн стипендия абу босьтöма;

ж) шыödчыслөн либö сылөн семьяö пырысьяслөн 3 тöлысьысь дырдзык бурдöдчöм йылысь, мый понда найö недыр кад оз вермыны уджавны;

з) шыödчысьöс либö сылөн семьяö пырысьясöс канмусянь тырвыйö видзöм вылын лоöм йылысь (тöрасьöм улö босьтöм челядь кындзи);

и) шыödчысьөн либö сылөн семьяö пырысьясөн призыв серти военнöй служба прöйдитöм йылысь, а сідзжö военнотружачöйлөн статус йылысь, кодi велöдчö военнöй уджсикасö велöдан организацияын да вылыс тшупöда военнöй велöдан организацияын да абу кырымалöма военнöй служба прöйдитöм йылысь контракт;

к) шыödчысьөн либö сылөн семьяö пырысьясөн призыв серти военнöй служба прöйдитöм йылысь;

л) шыödчысьöс либö сылөн семьяö пырысьöс ёрдлөн помшүом серти мырдөн бурдöдчöм йылысь;

м) шыödчысь да (либö) сылөн семьяö пырысь дорö стража улö босьтöмөн чиршöдлана мераөн вöдитчöм йылысь;

н) стипендиялөн ыджда йылысь, кутшöмöс мынтöны йöзлы, кодьяс велöдчöны уджсикасö велöдан организациясын да вылыс тшупöда велöдан организациясын, аспирантьяслы, кодьяс очнöя велöдчöны научно-педагогическöй кадрьяс дасьтан уджтасьяс серти, вылыс тшупöда велöдан организациясса да наука организациясса докторантьяслы да йöзлы, кодьяс велöдчöны духовнöй велöдан организациясын, а сідзжö индöм категория гражданылы компенсируйтан мынтöмьяс сийö периодö, кор найö медицина петкöдласьяс серти лоöны академическöй отпускын;

о) отставкаö петöм ёрдысьяслөн нэмчöжся быдтöлысья сьöмлөн мында йылысь;

п) öтчыдысь мынтан пособиелөн ыджда йылысь, кутшöмöс мынтöны военнöй службаысь, Россия Федерацияса уголовнöй мыж вештан системалөн учреждениесын да органьясын, федеральнöй безопасностьт службалөн органьясын, канму охрналөн органьясын, Россия Федерацияса пытшкöс делöяслөн органьясын, Россия Федерацияса таможеннöй органьясын, Россия Федерацияса национальнöй гвардияса войскасын, Россия Федерацияса мырдөн олöмö пöртан органьясын, Россия Федерацияса Президентлөн торья уджтасьясөн медшöр веськöдланiнын, а сідзжö мукöд органын службаысь уволитiгөн, кöни Россия Федерацияса оланпастэчасөн урчитöма федеральнöй канму служба прöйдитöм, мый йитчöма инöд видзан уджөн;

р) пенсиялөн ыжда йылысь, кутшөмөс сетöны йöзлы, кодьяс прöйдитöны (прöйдитисны) военнöй служба, Россия Федерацияса уголовнöй мыж вештан системалөн учреждениясын да органьясын, федеральнöй безопасносът службаса органьясын, канму охрналөн органьясын, Россия Федерацияса пытшкöс делöяслөн органьясын, Россия Федерацияса таможеннöй органьясын, Россия Федерацияса национальнöй гвардияса войскасын, Россия Федерацияса мырдөн олөмө пöртан органьясын, Россия Федерацияса Президентлөн торья уджтасьясөн медшөр веськөдланінын, а сідзжө мукөд органын, көні Россия Федерацияса оланпастэчасөн урчитöма федеральнöй канму служба прöйдитөм, мый йитчöма инөд видзан уджөн;

с) чöжöсьяслөн мында йылысь, кутшөмьясöс урчитöма «а» пунктулөн (сэк, кор шыödчысь либö сылөн семьяö пырысьяс лöбны (вöліны) Россия Федерацияса уголовнöй мыж вештан системалөн учреждениясын да органьясын, федеральнöй безопасносът службаса органьясын, канму охрналөн органьясын, Россия Федерацияса пытшкöс делöяслөн органьясын уджалысьясөн) да тайö Пöрадоклөн да условияслөн 36 пунктса «е» пунктулөн;

т) босътөм компенсациялөн мында йылысь, кутшөмөс мынтö канму орган либö öтйöза öтув канму либö общественнöй көсийсьöмьяс збыльмөдан кадö;

у) чöжöсьяслөн мында йылысь, кутшөмьясöс босътисны шыödчысь либö сылөн семьяö пырысьяс Россия Федерация сайын;

ф) предпринимательскöй уджысь, крестьяна (фермер) овмөсса уджысь босътөм чöжöсьяс пыртөмөн, сы лыдын кутшөмөс лөсьөдöма юридическöй кывкутысьöс артмөдтөг, чöжöсьяслөн да частнöй практика збыльмөдöмысь чöжöслөн мында йылысь;

х) чöжöсьяслөн мында йылысь, кутшөмьясöс босътöма «Уджсикасын чöжöс вылө вот» торья вот режимөн вöдитчигөн;

ц) авторскöй заказлөн сёрнитчөмьяс, интеллектуальнöй уджлөн бöртасьяс вылө исключительнöй инөдысь öтдортчөм йылысь сёрнитчөмьяс серти чöжöсьяслөн мында йылысь;

ч) шыödчысьлөн либö сылөн семьяö пырысьяслөн кыын кутöмын «олан» да «олан строение» мога зданиеяс, «олан» да «олан жыр» мога жырьяс, «олан жыр» мога зданиеяс, уна челядя семьяслы, кутшөмьясöс шуöма татшөмөн Россия Федерацияса субъектлөн оланпастэчас серти (водзö – уна челядя семья), социальнöй отсөг серти Россия Федерацияса либö муниципальнöй юкөнлөн уполномочитөм субъект органөн сетөм му участокьяслөн эмлун йылысь, а сідзжө му участокьяс, кутшөмьясöс сетöма

«Гражданалы му участокъяс, кутшӧмъяс пырӧны канму либӧ муниципальной эмбурӧ да меститчӧны Ылі Асыввыв федеральной кытшӧ пырысь Россия Федерацияса субъектъяслӧн мутасъясын, сетӧмын аслыспӧлӧслун йылысь да Россия Федерацияса торъя оланпастэчас актъясӧ вежсьӧмъяс пыртӧм йылысь» Федеральной оланпастэчас серти;

ш) шыӧдчысь либӧ сылӧн семьяӧ пырысь вылӧ пасйӧм автотранспорт (мототранспорт) средстволӧн эмлун йылысь, кутшӧмӧс Россия Федерацияса либӧ муниципальной юкӧнлӧн уполномочитӧм субъект органӧн сетӧма уна челядя семьяяслы социальной отсӧг сетӧм серти.

Тайӧ пунктса «е», «ж» да «к» пунктувъясӧн урчитӧм документъяс (тӧдмӧгъяс), кутшӧмъяс сетсьӧны шыӧдчысьӧн периодысь, кутшӧмысь артавсьӧ семьялӧн ӧти морт вылӧ шӧркодъ чӧжӧс мында тайӧ Пӧрадоклӧн да условияслӧн 34 пункт серти.

Суйӧрсайса канмулӧн компетентной органлӧн документъяс (тӧдмӧгъяс), кутшӧмъяс эскӧдӧны тайӧ пунктса «у» пунктулӧн урчитӧм чӧжӧсьяслысь мындасӧ, кутшӧмъясӧс сетӧ шыӧдчысь Россия Федерацияса оланпастэчас серти роч кыв вылӧ эскӧдӧм вуджӧдӧмӧн.»;

5) 6 пунктын:

а) медводдза абзац гижны таdzi:

«6. Заявление да документъяс (тӧдмӧгъяс), кутшӧмъясӧс индӧма тайӧ Пӧрадоклӧн да условияслӧн 5¹ пунктын (водзӧ – документъяс (тӧдмӧгъяс), сетсьӧны татшӧм ногысь ӧтиӧн.»;

б) коймӧд абзацын «пыр» кыв вежны «электронной вӧдитчӧмӧн» кывъясӧн;

в) нельӧд абзацӧ «корреспонденция» кыв бӧрын содтыны «сэтшӧм ногӧн, мый вермас эскӧдны мӧдӧдӧмсӧ да мӧдӧдан кадпассӧ» кывъяс;

г) витӧд абзацын «документъясӧ сетӧны веськыда Шӧринӧ либӧ УМШ-ӧ, заявлениесӧ да тайӧ Пӧрадоклӧн да условияслӧн 5 пунктын индӧм документъясӧ сетӧны» кывъяс вежны «документъясӧ (тӧдмӧгъясӧ) сетӧны веськыда Шӧринӧ либӧ УМШ-ӧ, заявлениесӧ да документъясӧ сетӧны» кывъясӧн;

д) квайтӧд абзацын «документъясӧ, кутшӧмъясӧс индӧма тайӧ Пӧрадоклӧн да условияслӧн 5 пунктын, шыӧдчысьӧн веськыда» кывъяс вежны «документъяс (тӧдмӧгъяс) веськыда» кывъясӧн, «5 пунктын» кывъяс вежны «5¹ пунктса «а»-«в» пунктувъясын» кывъясӧн;

е) сизимӧд абзацын «документъяс» кыв вежны «документъяс (тӧдмӧгъяс)» кывъясӧн;

ж) кӧкъямысӧд абзац гижны таdzi:

«Заявление электроннӧй документ формаын Канму да муниципальнӧй услугаяслӧн (уджъяслӧн) ӧтувья портал пыр ыстӧны прӧстӧй электроннӧй кырымпасӧн вӧдитчӧмӧн условие дырйи, мый шыӧдчысьӧс эскӧдӧма ас сӧрни дырйи прӧстӧй электроннӧй кырымпаслысь ключсӧ сетӧгӧн. Шӧринӧн заявление сетан да пасьян лунӧн лыддысьсӧ Канму да муниципальнӧй услугаяслӧн (уджъяслӧн) ӧтувья порталын заявление пасьян лун.»;

з) ӧкмысӧд абзацын «документъяс» кыв вежны «документъяс (тӧдмӧгъяс)» кывъясӧн, «документъяс» кыв вежны «документъяс (тӧдмӧгъяс)» кывъясӧн;

б) содтыны татшӧм сюрӧса 6¹ да 6² пунктъяс:

«6¹. Сӧк, кор шыӧдчысь быдтӧлысья мынтӧм индӧмла шыӧдчигӧн ачыс сетӧма тайӧ Пӧрадоклӧн да условияяслӧн 5¹ пунктын индӧм документъяслӧн (тӧдмӧгъяслӧн) абу тыр комплект, кутшӧмъяс колӧны быдтӧлысья мынтӧм индӧм вылӧ, шыӧдчысь вермӧ сетны тырмытӧм документъяссӧ (тӧдмӧгъяссӧ) Шӧринӧн либӧ УМШ-ӧн заявление пасьян лунсянь 10 уджалан лун чӧжӧн.

6². Сӧк, кор заявление сетӧма Канму да муниципальнӧй услугаяслӧн (уджъяслӧн) ӧтувья портал пыр, шыӧдчысь документъяссӧ (тӧдмӧгъяссӧ) Шӧринӧн либӧ УМШ-ӧн заявление пасьян лунсянь 10 уджалан лун чӧжӧн сетӧ Шӧринӧ документъяс (тӧдмӧгъяс), кутшӧмъясӧс урчитӧма тайӧ Пӧрадоклӧн да условияяслӧн 5¹ пунктӧн.»;

7) 8 пунктын «семьялӧн чӧжӧс йылысь заявлениеын шыӧдчысьӧн сетӧм тӧдмӧгъяслысь» кывъяс вежны «заявлениеын индӧм да шыӧдчысьӧн сетӧм документъяслысь (тӧдмӧгъяслысь)» кывъясӧн, «тӧдмӧгъяс» кыв вежны «документъяс (тӧдмӧгъяс)» кывъясӧн;

8) 9 пунктын «384 №-а Шуӧмӧн (водзӧ – тӧдмӧгъяс), органъясысь» кывъяс вежны «384 №-а Шуӧмӧн, органъясысь» кывъясӧн;

9) 10 пунктын «тӧдмӧгъяс» кыв вежны «документъяс (тӧдмӧгъяс)» кывъясӧн;

10) 13 да 14 пунктъяс гижны таdzi:

«13. Быдтӧлысья мынтӧм индӧмын либӧ выль рӧштшӧтын ӧткажитӧм йылысь помшуӧм примитан помкаясӧн лӧбны:

а) кага кувсьӧмсӧ канмусянь пасйӧм, код серти сетӧма заявление;

б) семьяын ӧти морт вылӧ шӧркодь чӧжӧс ыдждаыс унджык быд морт вылӧ овны судзяна сӧм ыдждаысь, мыйта урчитӧма Коми Республикаын быдтӧлысья мынтӧм индӧмла шыӧдчан кадпас вылӧ;

в) заявлениеын эм абу стӧч либӧ абу тырвыйӧ мыччӧдъяс;

г) шыӧдчысьлӧн либӧ сылӧн семьяӧ пырысьяслӧн кийн кутӧмын

эм:

2 либө унджык «олан» да «олан строение» мога здание, «олан» да «олан жыр» мога жырьяс, кодьяслөн отувья площадьыс ыджыдджык унапөвсталомыс: 24 квадратной метра семьяө пырысьяслөн лыд вылө оти морт вылө арталомөн («олан» да «олан строение» мога зданиеяс, «олан» да «олан жыр» мога жырьяс кындзи, кутшөмьясөс уна челядя семьялы социальной отсөг серти сетөма Россия Федерацияса субъектлөн либө муниципальной юкөнлөн уполномочитөм органөн; пайө босьтөмөн отувья эмбуралан инөдын олан жыр вылө пай, кутшөм артмөдө олан жырлөн отувья площадьлөн оти коймөд пайыс оз унджык; олан жыр (патера, жыр юкөн), көнi олө хронической висьөмлөн сьөкыд формаөн висьыс шыөдчыс да (либө) сылөн семьяө пырыс, кутшөмөс урчитөма хронической висьөмьяслөн сьөкыд формаяслөн лыддьөгын, мый дырйи гражданы оз позь отув овны оти патераын, кутшөмөс урчитөма Россия Федерацияса оланin кодекслөн 51 статьяса 1 юкөнлөн 4 пункт серти Россия Федерацияса Вескөдлан котырөн уполномочитөм федеральной олөмө пөртыс власьт органөн; олан жыр, кутшөмөс урчитөм пөрадокын шуөма овны позьтөмөн);

2 да унджык «олан керка» мога здание, кутшөмьяслөн отувья площадьыс ыджыдджык унапөвсталөмаыс: 40 квадратной метра семьяө пырысьяслөн лыд вылө оти морт вылө арталомөн («олан керка» мога здание кындзи, кутшөмьясөс уна челядя семьялы социальной отсөг серти сетөма Россия Федерацияса субъектлөн либө муниципальной юкөнлөн уполномочитөм органөн; пайө босьтөмөн отувья эмбуралан инөдын олан жыр вылө пай, кутшөм артмөдө олан жырлөн отувья площадьлөн оти коймөд пайыс оз унджык; олан жыр (олан жыр юкөн), көнi олө хронической висьөмлөн сьөкыд формаөн висьыс шыөдчыс да (либө) сылөн семьяө пырыс, кутшөмөс урчитөма хронической висьөмьяслөн сьөкыд формаяслөн Лыддьөгын, мый дырйи гражданы оз позь отув овны оти патераын, кутшөмөс урчитөма Россия Федерацияса оланin кодекслөн 51 статьяса 1 юкөнлөн 4 пункт серти Россия Федерацияса Вескөдлан котырөн уполномочитөм федеральной олөмө пөртыс власьт органөн; олан жыр, кутшөмөс урчитөм пөрадокын шуөма овны позьтөмөн);

2 либө унджык «садовой керка» мога здание;

2 либө унджык «абу олан» мога здание, «абу олан» мога жыр, сооружение (овмөс нуөдан стрөйбаяс кындзи, кутшөмьяс меститчөны ас оланin стрөитөм, аспом подсобной овмөс нуөдом вылө урчитөм му участокьясын, сад вөдитан му участокьясын, а сiдзжө вөрзьөдны позьтөм эмбур объектьяс, кутшөмьяс лөбны отувья эмбурөн уна патераа керкаын,

вөрзёдны позьтём эмбур объектъяс, кутшөмъяс лооны сад вөдитан либө градыв пуктас вөдитан абу коммерческой товариществолөн отувья вөдитчан эмбурөн);

2 либө унджык вөрзёдны позьтём эмбурлөн объект, кутшөмөс урчитөма транспорт средствояс (гараж, 1 машина вылө места) сулалөм (видзөм), дзоньталөм да технической могмөдөм вылө (татшөм вөрзёдны позьтём эмбурлөн 3 да унджык объект – уна челядя семьяяслы, семьяяслы, көнi эм вермытөм морт, семьяяслы, кодьяслы уна челядя семьялы социальной отсөг серти сетөма Россия Федерацияса субъектлөн либө муниципальной юкөнлөн уполномочитөм органөн автотранспортной либө мототранспортной средство);

му участокъяс (пайө босьтөмөн отувья эмбуралан инөдын лобысь му участокъяс да видз-му овмөс төдчанлуна муяс кындзи, кутшөмъясөн вөдитчөмсө ладмөдө «Видз-му овмөс нуөдөм вылө индөм муясөн вөдитчөм йылысь» Федеральной оланпас, му участокъяс, кутшөмъясөс уна челядя семьялы социальной отсөг мераяс сетигөн вичмөдөма Россия Федерацияса субъектлөн либө муниципальной юкөнлөн уполномочитөм органөн, му участокъяс, кутшөмъясөс сетөма «Гражданылы му участокъяс, кутшөмъяс пырөны канму либө муниципальной эмбурө да меститчөны Ылі Асыввыв федеральной кытшө пырысь Россия Федерацияса субъектъяслөн мутасьясын, сетөмын аслыспөлөслуньяс йылысь да Россия Федерацияса торья оланпастэчас актъясө вежсьөмъяс пыртөм йылысь» Федеральной оланпас серти), кутшөмъяслөн отувья площадьыс лоө 0,25 гектарысь унджык, а сикт овмөдчөминьяслөн мутасьяслы либө сикткостса мутасьяслы – 1 гектар;

д) шыөдчысь либө сылөн семьяө пырысь вылө пасйөма со мый:

2 либө унджык автотранспорт средство (3 либө унджык автотранспорт средство – уна челядя семьяяслы, семьяяслы, көнi эм вермытөм морт, семьяяслы, кодьяслы автотранспортной средство сетөма социальной отсөг мераяс сетигөн Россия Федерацияса субъектлөн либө муниципальной юкөнлөн уполномочитөм органөн);

2 либө унджык мототранспортной средство (3 да унджык мототранспортной средство – уна челядя семьяяслы, семьяяслы, көнi эм вермытөм морт, семьяяслы, кодьяслы автотранспортной средство сетөма Россия Федерацияса субъектлөн либө муниципальной юкөнлөн уполномочитөм органөн социальной отсөг мераяс сетигөн);

250 вөв вынысь абу этшаджык вынйөра автотранспортной средство, кутшөмөс лэдзөма 5 во сайысь абу унджык, автотранспортной средство кындзи, кутшөмөс босьтис (ньөбис) 4 да унджык челядя семья;

2 да унджык ичѳт вавывса судно, кутшѳмѳс лѳдзан воыс оз ло 5 воысь унджык;

2 да унджык ас вынѳн мунан машина да мукѳд сикас техника, кутшѳмѳясѳс лѳдзан воыс оз ло 5 воысь унджык;

е) шыѳдчысьлѳн либѳ сылѳн семьяѳ пырысьлѳн эм ѳти морт вылѳ шѳркодь чѳжѳс, кутшѳм лоѳ ыджыдджык Россия Федерация серти дзоньнас быд морт вылѳ овны судзсяна съѳм ыдждаысь, мый урчитѳма быдтѳлысья мынтѳмла шыѳдчан кадпас вылѳ, кредитнѳй организациясын восьтѳм депозит тшѳтѳясын (вкладѳясын) кольѳм съѳм вылѳ урчитѳм прѳчентѳясын;

ж) шыѳдчысьлѳн либѳ сылѳн семьяѳ уджавны вермысь пырысьяслѳн (челядь кындзи, кодѳяслы абу 18 арѳс) абу тайѳ Пѳрадокѳн да условиеясѳн урчитѳм 36 пунктса «а», «б» (пенсия юкѳнын), «в», «е», «к», «м» - «о», «р» пунктувьясѳн периодысь, кутшѳмѳс быдтѳлысья мынтѳм индѳм вылѳ урчитѳма тайѳ Пѳрадоклѳн 34 пунктѳн, татшѳм случайас (налѳн ѳтувьялун) кындзи, кутшѳмѳяс веськалісны индѳм период вылѳ:

шыѳдчысьлѳн либѳ сылѳн семьяѳ пырысьлѳн 6 тѳлысьысь эз дырджык вѳлі уджтѳмалысьлѳн статус, кодѳ корсьѳ удж;

шыѳдчысь либѳ сылѳн семьяѳ пырысь видзис кагаѳс сылы 3 арѳс тыртѳдз;

сѳйѳ, мый шыѳдчысь либѳ сылѳн семьяѳ 23 арѳсысь ичѳтджык пырысьяс общеобразовательнѳй учреждениеын либѳ уджсикасѳ велѳдан шѳр либѳ вылыс тшупѳда велѳдан учреждениеын очнѳя велѳдчигѳн абу босьтѳмаѳсь стипендия;

шыѳдчысь либѳ сылѳн семьяѳ пырысьяс видзисны вермытѳм кагаѳс 18 арѳсѳдз, либѳ челядьдырсянь I группаса вермытѳмѳс, либѳ I группаса вермытѳмѳс, либѳ пѳрысь мортѳс, код бѳрся бурдѳдан учреждениелѳн заключение серти пыр колѳ тѳждысьны бокѳвѳй мортлы либѳ кодѳяслы тыри 80 арѳс;

шыѳдчысь либѳ сылѳн семьяѳ пырысьяс бурдѳдчисны 3 тѳлысьысь дырджык, мый понда недыр кад эз вермыны уджавны;

шыѳдчысь либѳ сылѳн семьяѳ пырысьяс прѳйдитѳсны военнѳй служба (демобилизация лунсянь 3 тѳлысьысь абу дырджык);

шыѳдчысь либѳ сылѳн семьяѳ пырысьяс пукалісны дзескыдѳнын (лѳдзан лунсянь 3 тѳлысьысь абу дырджык период пыртѳмѳн);

шыѳдчысь вѳлі (лоѳ) дзик ѳти бать-мамѳн (оланпас серти петкѳдлысьѳн), кодлѳн эмѳсь тыр арлыдтѳм челядь;

шыѳдчысь либѳ сылѳн уна челядя семьяѳ пырысьясысь ѳтилѳн абу

чӧжӧс;

Россия Федерацияса Войвывса этша лыда вужвойтыр лыдысь шыӧдчысь либӧ сылӧн семьяӧ пырысьяс, а сӧдзжӧ Коми Республика мутасын олысь мукӧд этническойӧ ӧтув петкӧдлысьяс, кодьяслы кӧр видзӧмыс лоӧ овмӧс нуӧдан традиционной сикасӧн, нуӧдисны кочуйтысь да (либӧ) джынвийӧ кочуйтысь оласног.

Периодьяс, кор эз вӧв чӧжӧс помкаяс понда, кутшӧмьясӧс индӧма тайӧ пунктулын, донъявсьӧ ӧтвылысь. Сэк, кор периодыс, кор индӧм помкаяс понда эз вӧв чӧжӧс, ӧтвылысь артмӧдӧ арталан периодлысь 10 да унджык тӧлысь, кутшӧмӧс быдтӧлысья мынтӧм вылӧ урчитӧма тайӧ Пӧрадоклӧн да условияслӧн 34 пунктӧн, мынтӧмсӧ индӧмын ӧткажитӧм йылысь помшуйӧм оз примитсьы;

з) кагалы, код серти воис заявление, тырис 8 арӧс, тайӧ Пӧрадоклӧн да условияслӧн 3¹ пунктлӧн коймӧд абзацӧн урчитӧм случай кындзи;

и) шыӧдчысьӧн абу сетӧма документьяс (тӧдмӧгьяс) Шӧринӧ либӧ УМШ-ӧ, кутшӧмьясӧс индӧма тайӧ Пӧрадоклӧн да условияслӧн 5¹ пунктын («ф» да «ц» пунктувьяс кындзи), а сӧдзжӧ абу сетӧма документьяс (тӧдмӧгьяс) кадколастӧ, кутшӧмӧс индӧма тайӧ Пӧрадоклӧн да условияслӧн 6¹ да 6² пунктьясын;

к) кага вылӧ, код серти сетӧма заявление, быдтӧлысья мынтӧмсӧ оланпас серти урчитӧма мӧд петкӧдлысьлы;

л) шыӧдчысь заявление да (либӧ) документьяс бурмӧдӧм вылӧ бӧр сетӧм бӧрын 5 уджалан лун чӧжӧн абу сетӧма колана заявление да (либӧ) документьяс (тӧдмӧгьяс) тайӧ Пӧрадоклӧн да условияслӧн 14¹ пункт серти;

м) шыӧдчысьлӧн да (либӧ) кагалӧн, код серти сетӧма заявление, абу Россия Федерациялӧн гражданство;

н) шыӧдчысьӧс кывкутны вермытӧмӧн либӧ мыйтакӧ кывкутны вермытӧмӧн шуӧма Россия Федерацияса оланпастэчасӧн урчитӧм пӧрадокын;

о) кагалы, код серти сетӧма заявление, абу тырӧма куим арӧс;

п) шыӧдчысьлысь кувсьӧмсӧ канмусянь пасйӧма, Россия Федерацияса оланпастэчасӧн урчитӧм пӧрадокын сийӧс шуӧма кувсьӧмаӧн либӧ сийӧс шуӧма юӧртӧг вошӧмаӧн;

р) кагаыс, код серти сетӧма заявление, олӧ тырвийӧ канмусянь могмӧдӧм вылын;

с) шыӧдчысьӧс мездӧма бать-мам инӧдысь либӧ дзескӧдӧма сийӧс бать-мам инӧдын кага серти, код вылӧ сетӧма заявлениеыс;

т) урчитӧм пӧрадокын дугӧдӧма кагаӧс пи (ныв) пыдди босьтӧмсӧ,

код серти сетöма заявление;

у) дугöдöма кага тöралöмысь, код серти сетöма заявление;

ф) шыöдчысь муніс пыр овны Коми Республикалöн суйöр сайö;

х) абу на кольöма быдтöлысья мынтöм сетан кадколастыс, тайö Пöрадоклöн да условиеяслöн 3¹ пунктлöн мöд абзацöн урчитöм случай кындзи.

14. Шöрин примитö быдтöлысья мынтöм индöм йылысь либö индöмын öткажитöм йылысь помшуöмсö заявление примитан лунсянь 10 уджалан лун чöжөн. Быдтöлысья мынтöм индöм йылысь либö индöмын öткажитöм йылысь помшуöм примитан кадколастыс нюжалö 20 уджалан лун вылö сэк, кор ведомствокостса öтув уджалöм серти корöм документъясыс (тöдмөгъясыс) абу воöмаöсь.»;

11) содтыны татшöм сюрöса 14¹ пункт:

«14¹. Шыöдчысьöн сетöм заявлениеын да (либö) документъясын (тöдмөгъясын) абу стöч да (либö) абу тырвыйö юöрьяслысь эмлун урчитигөн Шöрин вермö бөр сетны татшöм заявление да (либö) документъяс шыöдчысьлы бурмöдöм вылö юöрсö индöмөн, кутшöмöс колö корректируйтны.

Та дырйи быдтöлысья мынтöм индöм йылысь либö индöмын öткажитöм йылысь помшуöм примитан кадколастыс недыр кад кежлö дугöдчö 5 уджалан лун вылö.

Шыöдчысь сетö бурмöдöм заявление да (либö) документъяс (тöдмөгъяс) Шöринсянь заявление босьтан лунсянь 5 уджалан лун чöжөн.

Быдтöлысья мынтöм индöм йылысь либö индöмын öткажитöм йылысь помшуöм примитан кадколаст выльысь заводитчö бурмöдöм заявление да (либö) документъяс (тöдмөгъяс) Шöринö воан лунсянь.»;

12) 15 пунктын «мынтöмсö» кыв бöрын содтыны «аргументируйтöм подулалöмсö индöмөн» кывъяс, «сійöс индöмын öткажитöм йылысь помшуöм» кывъяс вежны «татшöм помшуöм» кывъясөн;

13) 16 пункт киритны;

14) 20 пункт гижны тадзи:

«20. Быдтöлысья мынтöмсö индöны 12 тöлысь кежлö. Локтан воын быдтöлысья мынтöмсö индöны воддза индан лунсянь 12 тöлысь кольöм бöрын.»;

15) 21 пунктö «мынтöмсö бать-мам пиысь öтилы» кывъяс бöрын содтыны «(водзö – босьтысь)» кывъяс;

16) содтыны татшöм сюрöса 22¹ пункт:

«22¹. Гражданин вермö шыöдчыны гөгöрвоöдöмла либö сетны норасьöм, мый йитчöма быдтöлысья мынтöм индöмкöд, сы лыдын Канму

да муниципальной услугаяслөн (уджъяслөн) отувья портал пыр.

Гөгөрвоодөмла шыодчөм либө норасьом воан лунсянь 30 календарной лун чөжөн быдтөлысса мынтөм збыльмөдөм вылө уполномочитөм Министерство, Шөриньяс сетөны гижөмөн либө мод формаын подулалөм вочакыв, көнi эм быдтөлысса мынтөм индөмкөд да быдтөлысса мынтөм индөм могысь шыодчысылөн водзө вылө вөчөмторьяскөд йитчөм юалөм серти гөгөрвоодөм.»;

17) 23 пункт гижны тадзи:

«23. Быдтөлысса мынтөмсө дугдөны мынтыны төлыссянь, кутшөм мунө төлысь бөрын, кор Шөринлы лои төдса татшөм лоөмторьяс:

а) быдтөлысса мынтөм босьтысьөс да (либө) кагаос, код серти сетсьө быдтөлысса мынтөм, кувсьөмсө канмусянь пасйөма (кувсьөмөн, юөртөг вошөмаөн шуөма);

б) кагаос, кодлөн чужөмкөд (пи-ныв пыдди босьтөмкөд) сетсьө быдтөлысса мынтөм, сетөма организацияө тырвийө канмусянь могмөдөм вылө, организацияын, кутшөм збыльмөдө велөдан уджтас адаптируйтөм шөр велөдан уджтасьяс серти, челядьялөн велөдчөм кындзи;

в) быдтөлысса мынтөм босьтысьөс мездөма (дзескөдөма) бать-мам инөдысь кага серти, кодлөн чужөмкөд (пи-ныв пыдди босьтөмкөд) сетсьө быдтөлысса мынтөм;

г) дугөдөма кагаос пи (ныв) пыдди босьтөмсө, кодлөн пи-ныв пыдди босьтөмкөд сетсьө быдтөлысса мынтөм;

д) быдтөлысса мынтөм босьтысьөс ёрдөн шуөма кывкутны вермытөмөн, кывкутны абу тырвийө вермысьөн;

е) кагаос төралөм (төждысьөм) улө сетөма, кодөс видзөм вылө урчитөм пөрадокын мынтысьсьө сьөм да код вылө сетсьө быдтөлысса мынтөм;

ж) быдтөлысса мынтөм босьтысьөс розыскө сетөма;

з) быдтөлысса мынтөм босьтысьөн документьяс (төдмөгьяс) сетөмсө эрдөдөма, көнi эм абу тырвийө да (либө) абу стөч юөр, кор та понда бырө быдтөлысса мынтөм вылө инөд;

и) быдтөлысса мынтөм босьтысьөс пуксьөдөма вештыны мыж вөля дзескөдөмөн.

Шөрин вермө прөверитны тайө пунктын индөм лоөмторьяслысь артмөмсө.

Быдтөлысса мынтөм вермасны выль пөв сетны төлыссянь, кутшөм мунө сийөс дугөдан төлысь бөрын сэк, кор быдтөлысса мынтөмла шыодчис кагаос оланпас серти мод петкөдлысь.»;

18) 25 пункт гижны тадзи:

«25. Быдтöлысса мынтöм сетöмсö дугöдöм йылысь помшуöм примитö Шöрин 3 уджалан лун чöжөн лунсянь, кор Шöринлы лои тöдса лоöмторъяс артмöм йылысь, мый понда дугöдöма быдтöлысса мынтöм мынтöмсö, мый йылысь гижöда уведомлениеөн юöртöны босьтысьлы лöсялана помшуöм примитан лунсянь 10 уджалан лун чöжөн.»;

19) 30 пункт киритны;

20) содтыны татшöм сюрöса 31¹ пункт:

«31¹. Быдтöлысса мынтöм босьтысь вермö шыödчыны Шöринö либö УМШ-ö, медым вежны сьöм ваян ногсö, кредитнöй организацияын тшöтлысь реквизицияс вежöмсö пыртöмөн, кутшöмъяс серти пунктöны сьöмсö, форма серти заявлениеөн типöвöй форма дорö содтöд серти, кутшöмсö йöзöдöма Министерстволөн официальной сайты.»;

21) 32 да 33 пунктъяс гижны таdzi:

«32. Семьяö пырысьяс лыдö, кодьясöс босьтöны тöд вылö семьялысь öти морт вылö шöркодь чöжöссö арталигөн, пыртöны басьсö либö мамсö (сы лыдын пи (ныв) пыдди босьтысьсö), кагаöс тöралысьсö, кодi сетöма заявлениесö, сылөн гöтыр (верöс), тыр арлыдтöм челядь да 23 арöсысь ичöтджык челядь, кодьяс велöдчöны общеобразовательнöй учреждениясын либö уджикасö велöдан шöр либö вылыс тшупöда велöдан учреждениясын очнöя велöдчигөн, сы лыдын кодьясöс сетöма тöралöм улö (татшöм челядь кындзи, кодьяс гöтрасисны).

33. Семьяö пырысьяс лыдö, кодьясöс босьтöны тöд вылö семьялысь öти морт вылö шöркодь чöжöссö арталигөн, оз пыртны:

а) бать-мам инöдысь мездöм (сiйöс бать-мам инöдын дзескөдöм) йöз кага (челядь) серти, код вылö сетöма заявлениес;

б) йöз, кодьяс олöны тырвийö канмусянь могмөдöм вылын (тöралöм улын олысь челядь кындзи);

в) йöз, кодьяс призыв серти прöйдитöны военнöй служба, а сiдзжö военнотружачöйяс, кодьяс велöдчöны уджикасö велöдан военнöй организациясын да вылыс тшупöда военнöй велöдан организациясын да эз кырымавны военнöй служба прöйдитöм йылысь контракт;

г) йöз, кодьяс вöля мырддьöмөн вештöны мыж;

д) йöз, кодьясöс ёрдлөн помшуöм серти мырдөн бурöдöны;

е) йöз, кодьяс серти вöдитчöма стража улö босьтöмөн чиршöдлана мераөн.»;

22) 34 пунктын «босьтысьлөн» кыв киритны, «тöдмөгьяс» кыв вежны «документьяс (тöдмөгьяс)» кывьясөн, «6 календарнöй» кывьяс вежны «4 календарнöй» кывьясөн;

23) 35 пунктын «Удждон, сы лыдын компенсируйтан да ышöдан

сяма мынтөм, арталан да мынтан мукөд урчитөм кадколаст дырйи босьтөм удждон мындасө, сы лыдын компенсируйтан да ышөдан сяма мынтөм» кывъяс вежны «Чөжөс арталан да мынтан мукөд урчитөм кадколаст дырйи босьтөм удждон мында» кывъясөн;

24) 36 да 37 пунктъяс гижны тадзи:

«36. Сэк, кор арталөны семьялысь өти морт вылө шөркодъ чөжөссө, арталөны семьялысь сьөмөн босьтөм татшөм сикас чөжөс:

а) гражданскөй-инөда сёрнитчөмъяс серти удж серти либө мукөд кывкутана мог збыльмөдөмысь ошкана сьөм, сы лыдын ышөдана сяма мынтөмъяс пыртөмөн, вөчөм уджысь, сетөм услугаысь, вөчөмтор вөчөмысь ошкана сьөм. Та дырйи директоръяслы ошкана сьөмыс да татшөм жө мукөд мынтөмыс, кутшөмъясөс босьтөны организацияөн веськөдлан органө (директоръяслөн сөветө либө татшөм жө мукөд органө) - Россия Федерацияса вот резидентө пырысьяс, кодлөн меститчанінөн (веськөдланінөн) лоө Россия Федерация, видлалөны кыз Россия Федерацияын өшмөсьясысь босьтөм чөжөс, места вылө видзөдтөг, көні збыльысь пөртсьөмаөсь олөмө тайө йөзлы сетөм веськөдлан кывкутана могъясыс либө кысянь мынтөма индөм ошкана сьөмсө;

б) пенсияяс, пособиаяс да мукөд татшөм жө мынтөм, сы лыдын социальнөя быть страхуйтөм серти мынтөмъяс да компенсируйтан сяма мынтөмъяс, кутшөмъясөс босьтөма Россия Федерацияса оланпастэчас да (либө) Россия Федерацияса субъектлөн оланпастэчас, меставывса авеськөдлан органъяслөн актъяс (помшүөмъяс) серти;

в) стипендияяс, кутшөмъясөс мынтөны йөзлы, кодъяс велөдчөны уджсикасө велөдан организациясын да вылыс тшупөда велөдан организациясын, аспирантъяслы, кодъяс очнөя велөдчөны научно-педагогическөй кадръяс дасътан уджтасъяс серти, да вылыс тшупөда велөдан организациясса да наука организациясса докторантъяслы, йөзлы, кодъяс велөдчөны духовнөй велөдан организациясын, а сідзжө индөм категория гражданылы компенсируйтан мынтөмъяс сійө периодө, кор найө медицина петкөдласъяс серти лооны академическөй отпускын;

г) босьтөм алиментъяслөн отувъя мында;

д) пенсионнөя быть страхуйтөм йылысь Россия Федерацияса оланпастэчасөн урчитөм случайсын кувсьөм страхуйтөм йөзлысь инөд босьтысьяслы мынтөмъяс;

е) военнотружачөйяслы, Россия Федерациялөн пытшкөс делөяс органъясса, уголовнөй мыж вештан системалөн учреждениеясса да органъясса, Россия Федерациялөн мырдөн олөмө пөртысь органъясса, Россия Федерациялөн таможеннөй органъясса да мукөд органса

уджалысьяслы, кӧні Россия Федерацияса оланпастэчасӧн урчитӧма инӧд видзан уджкӧд йитчӧм канму служба прӧйдитӧмсӧ, сьӧм довольствие (сьӧмӧн видзӧм), а сідзжӧ содтӧд мынтӧмьяс, кутшӧмьясӧс пыр мынтӧны, да сӕян-юанӧн могмӧдӧм (сӕян-юан паӕк пыдди сьӧмӧн компенсация), кутшӧмьясӧс урчитӧма Россия Федерацияса оланпастэчасӧн (эм кӧ);

ж) канму либӧ ӧтйӧза кывкутана могьяс олӧмӧ пӧртан кад чӧжӧн канму органӧн либӧ ӧтйӧза ӧтулӧн мынтан компенсацияс;

з) дона кабалаясӧн операцияс серти босьтӧм дивидендыас, прӧчентьяс да мукӧд чӧжӧс, а сідзжӧ организация эмбурӧн веськӧдлӧмын участвуйтӧмкӧд йитӧдын;

и) кредитнӧй учреждениеясын вкладьяс серти босьтӧм прӧчентьяс;

к) предприниматель удж збыльмӧдӧмысь чӧжӧс, крестьяна (фермер) овмӧслӧн уджысь босьтӧм чӧжӧсьяс пыртӧмӧн, сы лыдын кутшӧмӧс лӧсьӧдӧма юридическӧй кывкутысьӧс артмӧдтӧг, да частнӧй практика збыльмӧдӧмысь чӧжӧс;

л) эмбурсӧ кӧртымӧ (медалӧмӧ, медалӧмсӧ медалӧмӧ) иналӧмысь да сетӧмысь чӧжӧс;

м) авторскӧй заказ йылысь, интеллектуальнӧй уджлӧн бӧртасьяс вылӧ исключительнӧй инӧдысь ӧтдортчӧм йылысь сӕрнитчӧмьяс серти чӧжӧс;

н) «Уджсикасын чӧжӧс вылӧ вот» торья вот режимӧн вӧдитчигӧн босьтӧм чӧжӧсьяс;

о) нэмчӧжся быдтӧлысья сьӧм ёрдысьяслы, кодьяс петісны отставкаӧ;

п) военнӧй службаысь, Россия Федерацияса национальнӧй гвардияса войскаясын службаысь, Россия Федерацияса мырдӧн олӧмӧ пӧртан органьясысь, Россия Федерацияса таможеннӧй органьясысь, Россия Федерацияса Президентлӧн торья уджтасьясӧн медшӧр веськӧдланінысь, Россия Федерацияса уголовнӧй мыж вештан системалӧн учреждениеясысь да органьясысь, Россия Федерацияса федеральнӧй безопасностьт службалӧн органьясысь, Россия Федерацияса канму охрана органьясысь, Россия Федерацияса пытшкӧс делӧяс органьясысь, мукӧд органысь уволитігӧн ӧтчыдысь мынтан пособие, кутшӧмьясын Россия Федерацияса оланпастэчасӧн урчитӧма федеральнӧй канму служба прӧйдитӧм, кутшӧм йитчӧма инӧд видзан уджкӧд;

р) шыӧдчысьӧн либӧ сылӧн семьяӧ пырысьясӧн Россия Федерациялӧн суйӧр сайын босьтӧм чӧжӧс.

37. Сэк, кор арталӧны семьялысь ӧти морт вылӧ шӧркодь чӧжӧссӧ, оз артавны:

а) тайё Пöрадокöн да условиеясöн урчитöм быдтöлысса мынтöмьяс, кутшöмьясöс мынтöма воддза периодьясысь (тайё Пöрадоклöн да условиеяслöн 3 пунктса коймöд да нельöд абзацьяс серти быдтöлысса мынтöм арталан случайяс кындзи);

б) «Челядя семьяяслы быдтöлысса мынтöмьяс йылысь» 2017 во öшым тöлысь 28 лунся 418-ФЗ №-а Федеральнöй оланпасöн урчитöм быдтöлысса мынтöмьясö, кутшöмьясöс мынтöма кага серти, код вылö индöма тайё Пöрадокöн да условиеясöн урчитöм быдтöлысса мынтöмсö, кутшöмьясöс мынтöма воддза периодьясысь;

в) ускöттöкöд либö мукöд виччысьтöмторкöд йитöдын, а сідзжö террористическöй акткöд йитöдын федеральнöй сьöмкуд, Россия Федерацияса субъектъяслöн сьöмкудьяс, меставывса сьöмкудьяс да мукöд öшмöсысь сьöм тшöт весьтö мынтан öтчыдысь материальнöй отсöг сетан мындасö;

г) уджтöмалысь уджавны вермысь йöзлы быдтöлысса мынтöмьяс, кодьяс видзöдöны вермытöм кага бöрся, кодлы эз на тыр 18 арöс, либö челядьдырсянь I группаса вермытöм бöрся;

д) коймöд кага либö сы бöрын челядь чужöмкöд йитчöм быдтöлысса сьöма мынтöмьяс кага вылö, код серти индöма тайё Пöрадок да условиеясöн урчитöм быдтöлысса мынтöм, кутшöмöс сетöма воддза периодьясысь;

е) кага вылö, кодлы заявление сетан лун вылö тыри 18 арöс (23 арöс – Коми Республикаса оланпастэчасöн урчитöм случайясын), пособиеяслöн да мукöд татшöм жö мынтöмьяслöн, а сідзжö алиментъяслöн öтувья мында;

ж) öтчыдысь сетан страхуйтан мынтöмьяс, кутшöмьясöс сетöны воштöмсö вештöм могысь, мый вöчöма морт олöмлы да дзоньвидзалунлы, сылöн ас эмбурлы да сылöн семья пырысьяскöд öтувья кийн кутан эмбурлы, а сідзжö быдтöлысса мында, кутшöм йитчö медицина, социальнöй да уджсикас боксянь реабилитируйтöм вылö содтöд рöскөдөн медико-социальнöй экспертиза нуöдан канму службаса учреждениелöн помшуйтöм серти;

з) социальнöй контракт подув вылын канмусянь социальнöй отсöг.»;

25) 40 пункт гижны тадзи:

«40. Чöжöс, кутшöмьясöс урчитöма тайё Пöрадоклöн да условиеяслöн 36 пунктса «з»-«м» пунктувьясын, артавсьö кызди чöжöс öтувья мындалöн öти дас кыкöд пай, кутшöмöс босьтöма воталан кадколаст чöжöн да унаалöма арталан периодö пырысь тöлысьяслöн лыд

вылө.

Кор шыөдчысь либө сылөн семьяө пырысьяс босьтисны тайө Пöрадоклөн да условиеяслөн 36 пунктса «к» пунктулөн урчитөм чөжөсьяс, кодьяс збыльмөдöны асьыс уджсö вот перьян кокньөдөм системаөн (сэк, кор вот перьян объект пыдди бöрйöма чөжөс), торья удж сикас серти виччысяна чөжөс вылө öтувья вотөн вот перьян система, вот перьян патент система, шыөдчысь либө сылөн семьяө пырысьяс вермöны сетны чөжөсьяс йылысь документьяс (тöдмөгьяс) рöскод чинтöмөн кадколастö, кутшöмöс урчитöма тайө Пöрадоклөн да условиеяслөн 6¹ да 6² пунктьясөн. Татшöм случайын уполномочитөм орган семьялөн öти морт вылө шöркодь чөжөс арталігөн вöдитчö документьясөн (тöдмөгьясөн), кутшöмьясöс сетöма шыөдчысь либө сылөн семьяө пырысьяс.

Сэк, кор юöрын, кутшöмöс сетöма ведомствокоствса электроннöя йитчигөн, абусь чөжөсьяс йылысь тöдмөгьяс, кутшöмьясöс индöма тайө Пöрадоклөн да условиеяслөн 36 пунктса «к» да «м» пунктувьясын, кутшöмьясöс босьтöма вот мынтан периодö, артавсьöны арталан периодысь тайө Пöрадоклөн да условиеяслөн 5¹ пункт да тайө пунктса мөд абзац серти шыөдчысьөн либө сылөн семьяө пырысьясөн сетөм чөжөсьяс, документьяс (тöдмөгьяс).».